

A.

De

RATIONE
RELIGIONIS
ECLESIAE P

DISQUISITIO A

Quar

P R Æ S

M. ADAM C

SS. Th. Baccal. &

Affessor

ROBERTUS

Bergdorff.

P. P.

VII. DEC. ÆR. CHR.

LIPSIÆ

Typis VIDUAE !OH.

A. J.

De

DE STATU
ONIS ET EC-
Æ PAPÆÆ,

IO ACADEMICA,

Quam

Æ S I D E

MO Rechenberg/
cal. & Facult. Philos.
Assessore,

US HEUSER,
gdorff, Saxo.

P. P.

R. CHR. M. DC. LXXII.

LIPSIÆ,

AE IOH. WITTIGAU.

PUTA IS MOUTA

OF THE MOUNTAINS

AND THE MOUNTAINS

OF THE MOUNTAINS

OF THE MOUNTAINS

OF THE MOUNTAINS

OF THE MOUNTAINS

OF THE MOUNTAINS

OF THE MOUNTAINS

OF THE MOUNTAINS

OF THE MOUNTAINS

OF THE MOUNTAINS

OF THE MOUNTAINS

OF THE MOUNTAINS

BX 1790

.R43

1672

c.1

Rare

I. N. 7.



Quod Machiavellus, (1) famosum in politicis nomen, docuit, ac principes multi, ante ac post ipsum exemplo confirmarunt; id CLERICOS PAPÆOS in Ecclesia sua quoque nosse & exercere, in vulgus notum est. Nimirum fallax ille ab Hetruria doctor, principem instructurus, ut potentiam suam maxime ac commodum possit stabilire, suadet *religionem præ se ferre*, illamque (ceu loquuntur,) *Statui* applicare suo. Quod inventum quidem novum non est: Cum, ut de artibus Tiberianis nihil referam, sacer codex (2) tale arcanum jam in Jeroboamo, Israëlitarum Rege, notarit. Is enim propter STATUS RATIONEM, populum jam divortio a Salomonis posteritate abruptum, a vero etiam DEI cultu abstrahere studuit. Verebatur quippe, si sacra suo relinqueret loco, ne reverteretur regnum ad domum Davidis. Rationes igitur justæ & æqui præ se ferebat, quas eleganter annotavit Josephus; (3) sed veram causam te-
gebat

A 2

- (1) Machiavell. de Princip. c. 18. p. m. 95. (2) 1. Reg. XII, 20. (3) Joseph. antiquit. I. VIII. c. 3. ubi ita Regem populum alloquentem introducit: *Viri populares, notum vobis existimo, quod nullus locus Deus est vacuus, & quod is nullo certo loco includitur: sed ubiq; vota exaudit, ubique cultores suos respicit. Quare non placet mihi hoc tempore vos Hierosolymam, urbem insensam, longò itinere proficisci religionis ergò. Homo illud templum statuit &c.* Hunc nostro & superiori seculo imitati sunt, qui in Gallia & Germania Ligistæ vocantur, qui sub sacro religionis prætextu, orbis imperium, vel universalem Monarchiam moliri videbantur.

gebat callide. Revera autem RATIO STATUS, idolum pseudopoliticis Sacro-sanctum fuit. Hoc in regilione sua venerari, illamque ad STATUS ECCLESIASTICI RATIONEM, seu UTILITATEM suam inflexisse Clericos Romanæ sectæ addictos, ex scriptoribus ecclesiasticis, inprimis vero historicis, probare *hæc dissertatione* jam paramus. Faxit DEUS feliciter!

§. I.

Tit. Dissertat.

UT autem argumenti hujus sensus capiatur plenius, Dissertationis titulum prælibemus, necesse est. Constat ille quidem, ut opinor, non adeo quidem obscuris vocabulis, sed æquivocationi tamen obnoxiiis.

Relig. Papææ.

§. II. Alter terminus tituli est, RELIGIO ET DOCTRINA ECCLESIAE PAPAEAE, qui notat dogmata, quæ circa DEI cultum; secta, Papam Rom. pro suo capite agnoscens publicè proponit ac tuetur. Varia isthæc doctrinæ capita, partim ex Concilii Tridentini decretis, partim scriptoribus aliis, qui doctrinam Papæam aut defendunt, aut describunt, hauriri possunt. Nos saltem præcipua inde tangemus infra, quæ RATIONI STATUS Clericalis inserviunt; nihil interim ex Scriptura (quod Theologorum est) definituri, aut, quæ alieni fori sunt, huc pertracturi.

Ratio Status.

§. III. RATIO STATUS, nomen in ore populi celebre, sed famâ inter doctos ambiguum est. Inde quid propriè denotet, ab omnibus non satis intelligitur. Nos lite de genuina hujus definitione ad politicos missa, sumimus illam pro *utilitate, quam status aliquis (h. l. clericalis) intendit*. Atque hæc acceptio, non invitis Politicis hic adhibebitur. *Conringius* enim, hodie princeps politicorum, simili fere modo describit, simulque Ludovici Septalii definitionem censet, cum c. 2. de civil. prud. ait: optimè expresseris rationem status latinè per Reipubl. rationem, aut per commodum publicum civitatis, vel reipubl. cum primis, qualis ea in præsentia est. Quicquid enim usus reipubl. alicujus exigit, id ipsum est, quod ratio status postulat. Et alibi in tract. de rat. stat. dicit, rationem status esse reipubl. utilitatem. Illustrare hanc nostram acceptionem potest etiam definitio a Botero allata, quod sit *notitia*

tia

ria mediorum & rationum, quibus fundatur, firmatur & augetur status, i. e. reipubl. forma, qua ibi viget. Displicuit illa quidem Apollini, dum in Parnassum, (4) instar novellæ allata esset. Quare aliam a literatis datam, (protestantibus licet principibus) approbavit: *Ratio Status est Lex statibus quidem utilis, sed legi divina & humana contraria.* Quam sanè, si Ecclesiæ Pæpæ quis aptare velit, non adeo reptugnabimus. Nam utilitati status clerici, neglecta Christianæ religionis vera ratione, student. V. Dn. *Jacobi Thomasi Disput. de Ratione Status, anno 1645. hic Lipsiæ habitam, it. Dan. Clasenii Lib. de Relig. Polit. cap. X. & Bæcleri Orat. de Ratione Status.*

§. IV. Visa nunc vocabulorum significatione, ordo poscit; Dogmata statim ut ad rem ipsam progrediamur. Quod ut fiat distinctè, prænotatistica duplicia mus, *dogmata Pæpæorum statistica* posse describi in duas præcipue classes: Quarum *prima* complectetur *curialia*, *altera* verò *culinaria*.

§. V. *Curialia* appellamus illa, quæ faciunt ad stabiliendam Curialia. curiam Romanam. Talia sunt de *autoritate, potentia, & infallibilitate* Episcopi, seu, ut vocant Pæpæ Romani. *Culinaria* dicimus, quæ propter opum ac divitiarum acquisitionem traduntur, acriterque defenduntur a *Sacrificulis & Lojolitibus*. Cujusmodi sunt articuli de *Missa, de Indulgentiis, de Satisfactionibus, de Purgatorio, de aucto Sacramentorum numero, &* quæ sunt plura ejusdem generis.

§. VI. Primum enarranda veniunt *dogmata curialia*, quæ Curialia quæ? curiæ Romanæ salus ac incolumitas unice nititur. (5) Bellarminus, famigeratissimus Cardinalis, id non obscure expressit: *Etenim (quærit) de qua re agitur, cum de Primatu Pontificis agitur, brevissimè dicam, de SUMMA REI CHRISTIANÆ. Id enim queritur, debeatne Ecclesia diutius consistere, an verè dissolvi & concidere, &c.* Ex hoc magnifico elogio Pontificis Romani licet colligere, quæ docentur apud Pæpæos, præcipue pertinere ad Rom. Pontificem: ut ejus autoritas summa in orbe Christiano ac divina, ceu fundamentum Ecclesiæ, maneat firma.

A 3

§. VII.

- (4) ut eleganter fingit Trajan. Boccalini centur. 2. relat. 87. adde relat. 42.
(5) Tom. I. controvers. Fid. præfat. in lib. de Summo Pontif. fol. 494.

Curialia quæ
præcipue:

§. VII. Sunt autem cum primis tria, quæ Papæ R. in mundo
autoritatem stabilipiunt; *Primatus, Potentia, infallibilitas*. Cætera,
quæ subjunguntur, indirectè magis ejusdem *ἐξ ὧν* probant.

Est Primatus
1. ap. Rom.

§. VIII. Ut *autoritatem* hujus hominis tueantur, (6) *Pri-
matum* Episcopi Romani defendunt acriter, solumq; ipsum Chri-
sti (7) Vicarium in Ecclesia visibili, ac caput in Divi Petri perso-
na constitutum fuisse tradunt. Atque hoc ex Matth. XVI. v. 18.
Joh. XXI, 15. 16. probare annituntur. (8)

ineptè proba-
tus.

§. IX. Sed nescio, ut hoc Pontificiæ de Scriptura S. doctri-
næ aliàs receptæ, conveniat. Nam asserunt, illam esse adeò ob-
scuram, (9) ut sine unico interprete visibili ac infallibili (Papa sc.
Romano) nequeat intelligi. Hoc, si verum; opus erat, ut ille,
prius ex evidentibus & utrinque concessis principiis probasset; se
esse infallibilem interpretem, & Ecclesiæ Principem; quam meta-
phoricis & ex obscuris adeò locis, tantam sibi assereret autorita-
tem. Oportet enim probationem esse certam & claram, ut Phi-
losophi juxta ac Jcti docent. Nisi forsân Pontificiis, quæ contra
Scripturæ S. canonem sapere licet, concessum eriam sit, obscurum
ex æquè obscuro probare, & propter rationem status, contra ratio-
nis disciplinam statuere.

Titulis ambi-
tiosis firma-
tur.

§. X. Ut hunc PRIMATUM OECUMENICUM Ponti-
ficis Romani defendant, parasiti ambitiosos titulos congefferunt,
quæ supra Deum fermè efferunt hominem. Bellarminus aliquot
(10) concessit. Notus est (11) Theophili Raynaudi de hoc argu-
mento tractatus & (12) Abrahami Bzovii liber, quo quinquaginta
fastuosis titulis exornat Papam. Baronius Cardinal. in vastissimo
Annalium opere, maxime navat operam, ut probet, Episcopum
Romanum semper inde a prima Ecclesiæ Christianæ ætate, fuisse
Monarcham Sacrum. Unde doctissimus H. Casaubonus asserit,
Bellarminum, Becanum, Suarium, & id genus alios disputatores,
monarchiam illius non tam operose asseruisse, ac fecit ipse Baro-
nius.

(6) Bellarmin. tot. lib. 1. de Rom. Pont. (7) Bellarm. l. I. de R. Pont. c. IX.
fol. 535. (8) Bellarm. l. I. R. P. c. X. XI. seq. (9) Bellarm. 3. de verbo
Dei c. 1. & c. 3. (10) Bellarm. lib. II. de R. P. c. 31. (11) Raynaud. in
Tractatu A. C. 1647. Romæ edito, qui corôna aurea supra mitram R.
Pontificis inscribitur. (12) ad Sigismundum III. Poloniæ Regem, Co-
loniæ Agrippinæ A. C. 1619. impressus.

nus. Quamquam Bellarminus in eo totus est, ut ostendat, regimē Ecclesiasticum præcipuè monarchicum esse debere. (13) Immo, supra concilia absolute esse Pontificem concludit. (14) Quam sententiam Itali omnes & magna pars Hispaniæ defendunt. Aegre admodum tulit Papæ nuncius, cum Lutetiæ Parisiorum Galli dissentirent à dictis parasitis. Cardinalis Perronius callidè, molliendæ invidiæ, quæstionem problematicam esse dixit. (15) Fulcra potentæ hujus duo non ultima sunt, *Officium s. inquisitionis*, quod Paulus IV. Pontifex ideo Cardinalibus enixè commendavit, (v. Onufr. in vita ejus p. 402. 405, & P. Suavis Hist. Conc. l. V. p. 456. seqq.) & *Societas Jesuitarum*, cujus scopus est, Monarchiam (R.) Pontificis stabilire.

§. II. POTENTIA hinc probatur maxima. Si enim Christi in terris solus est vicarius, si caput universæ Ecclesiæ visibile, ceterè plenipotentia (ut loquuntur) instructum esse oportet. Quam stabilire variis rationibus præcipuè laborarunt Lojoluta, sectæ Protestantibus infensa. Santarellus certè famigeratissimus Lojoluta, non erubuit publicè in libro, cui titulus *Tractatus de hæresi, schismate, apostasia, sollicitatione Summi Pontificis in his delictis puniendis: Ad Serenissimum Principem Mauritium à Sabaudia Cardinalem, Romæ, apud hæredes Bartholomæi Zanneris 1625. superiorum permissu*, asserere, Papam habere potestatem in Principes directivam & correctivam; ita, ut possit deponere Imperatorem & Reges pro delictis: & quod summam, supremam & absolutam potestatem habeat Papa, videtur esse (inquit Lojoluta) multum æquum & reipubl. expediens; scilicet, ut sit aliquis supremus Monarcha, qui Regum ejusmodi excessus possit corrigere, & de ipsis justitiam administrare. Quia scilicet Papæ & Christi unum sit tribunal. Sed meruit hic liber, ut, postquam à Collegio Sorbonnæ acri censura esset condemnatus, igne Lutetiano, manu canonicis illuminaretur. Legi de eo dignus est Gabr. Barthol. Gramondus, (16) Gallus, Papæ & Lojolutis aliàs faventissimus scriptor. Majori contentione, in comitiis trium Galliæ Ordinum generalibus, de hac Pontificis in Reges potestate, anno 1615, actum

2. Potentia P.
Rom. quam
late pateat

(13) lib. 1. de R. P. c. 9. 10. (14) l. 2. de concil. cap. 17. (15) Gramondus l. 1. Hist. Gall. confèr Krigsmannt de attrito per Papas imperio p. 32.
(16) l. 15. Histor. Gall. p. 675. seqq.

fuit. Historiam prolixè narrat laudatus Gramondus. (17) Accedit, (18) quod soli Pontifici jus & potestatem concilia convocandi adscribant; cum tamen id juris Imperatorum & Regum sit.

Potentia hu-
jus assertores.

§. XII. Talem potestatem sibi sumserat Bonifacius VIII. qui intravit ut vulpes, regnavit ut leo, & mortuus est ut canis, quando se dominum totius mundi dixit: Alberto is coronam petenti respondit: Ego Cæsar sum & Pontifex. Ideoque primo die Jubilei, quod tum introduxerat, habitu Pontificali, benedictionem populo impertivit; altero autem die ornatum Cæsareum gestans, accinctus ense, jussit sibi alium præferri gladium cum hoc elogio: *Ecce duo gladii*. Granz. l. 8. Sax. c. 30. p. 225. Vides, ô Petre, successorem tuum, & tu salutifer Christe, tuum cerne vicarium. (19) Bellarminus tamen hac in parte modestior paulo fuit; negans, & Papam esse Dominum totius orbis Christiani, & habere illum merè temporalem jurisdictionem directam jure divino. Impudentior est. (20) Hermannus Wesselingius, J. U. D. qui contra Bellarminum statuit, Pontificem jure divino habere plenissimam potestatem in universum orbem terrarum; tum in rebus ecclesiasticis, tum politicis, directè & immediatè. Noverat hic parasitus, ut Bellarmini doctrina de potestate Pontificis à Sixto V. imperiosissimo homine fuit accepta: nempe parum abfuit, quin omnia (21) illius opera Pontificia censura aboleret. Sicuti Parlamenti Lutetiani placitò (22) ejusdem Bellarmini liber, quem in Barclajum de *Potestate Summi Pontificis* scripserat, damnatus fuit. Eadem de causa Veneti Papalem indirectam in temporalia potestatem contempserunt. Dissidii illius originem & seriem exponit (23) Thuanus.

§. XIII. Licet itaque non omnes inter Papæos agnoscant illam Pontificis in regna & reges potestatem; largiuntur tamen & cum

(17) Ilb. 1. Hist. Gall. (18) Bellarm. l. 1. de conc. c. 12. Baron. ann. 869. §. 51. ann. 1137. §. 19. (19) Bellarm. l. V. de R. Pont. c. 3. & 4. (20) in Tract. Juridico-Politico de jur. Superioritatis ac summa potest. Rom. Pontif. c. 9. Colonia Agripp. cum permissu Superiorum A. C. 1662. edito. (21) Vid. Guilielm. Barclaj. de Potestate Papæ: an & quatenus in Reges & Principes seculares jus & imperium habet. (22) vid. Gramondi Hist. Gall. l. 1. (23) Hist. l. CXXXVII. f. 1172. seqq.

cum (24) Bellarmino defendunt, Papæ soli jurisdictionem ecclesiasticam immediate summam fuisse a Christo collatam; omnes deinde Episcopos hinc immediate accipere.

§ 14. Discimus inde, præcipuam Evangelico-Catholicis per orbem Christianis controversiam cum Papæis esse, non de legitimo cultu Dei, de consensu cum Ecclesia veteri, aliisque doctrinæ capitibus: sed de **AUTORITATE ET MONARCHIA UNIUS HOMINIS, ORBI CHRISTIANO IMponentis.**

§ 15. Sed ne quis, opinione conditionis humanæ, quicquam deroget autoritati Pontificis; aliud axioma illi tributum fuit: nempe **INFALLIBILITAS** in controversiis fidei & morum. Operose illam describit & tuetur (25) Bellarminus. Nescio tamen, cur adeo suspectum reddi hoc privilegium passus sit Papa, procrastinatione Judicii, de immaculata B. Virginis Mariæ conceptione, tanto sumtu ab Hispaniarum Rege rogati. Certe non sine fallibilitatis suspitione hoc factum fuit. Ostendit id non ita pridem accurate (26) Dn. D. Scherzerus, vir nostra laude major. Nimirum hoc indicio est, ab hoc homine, nihil humani esse alienum, id quod vita & mores multorum Pontificum satis etiam comprobant.

§ 16. Sed inde colligunt Pontificii, quod illa Ecclesia solum dicenda sit vera, quæ Pontifici Romano adhæret ac unitur, ceu membra adiunguntur capiti. (27) Si enim ille infallibilis iudex & Romana Ecclesia eidem semper fuit unita, nec hæc errare potuit. Igitur errores, licet crassissimi (quos multi etiam Papæos inter Scriptores agnoverunt) sunt palliandi; ne in aliquo delirasse Sancta mater cum sancto Patre suo, (Papa enim nomine Pater; at simul professione, dum in ipsum analysis Ecclesiæ fit, & mater) videri queat. Præsertim, cum docente Bellarmino (28) omnium Conciliorum & omnium dogmatum firmitas dependeat ab autoritate præsentis Ecclesiæ: præsentis autem Ecclesiæ veritas atque autoritas suspenditur ab autoritate & veracitate unius Episcopi Romani, pro qua constabiliendâ omnis impenditur labor. Concilia ideo metuuntur a Papa, v. P. Svav. Hist. Concil. Trident. I, I. p.

B

37-54.

(24) Bellarm. I. IV. de R. P. c. 22. 23. 24. 25. (25) de Rom. Pontif. I. IV. c. I. 2. 3. seqq. (26) Disput. de B. Virg. Mariæ Deiparæ conceptione maculata, an immaculata, anno superiori habita. (27) Bellarm. I. IV. c. X. de notis Eccles. (28) l. 2. de Effectu Sacram. c. 15. §. ult.

37. 54. *Communicatio*, quam vocant, *sub una*, retinenda, non ob-
stante, Dominum Jesum Christum instituisse sub utraque, & veram
Ecclesiam retinuisse diu usque ad concilium Constantiense. Quod si
enim admittatur, in uno fuisse falsam Ecclesiam, ceteri de facili etiam
animadverti possint errores. v. P. S. vavis Hist. Conc. Trid. l. VI. p. 583.
seqq. & l. VII. p. 725. Ut adeo ex hac hypothese convenienter Marti-
nus Becanus tradat, (29) *De Ecclesia hodie potissimum esse controver-*
siam. Si enim constat Ecclesiam Christi errare non posse in fide, nec ali-
bi eam reperiri, quam apud Pontificios, evidenter (inquit) sequitur,
omnes articulos fidei ac religionis, quos Ecclesia Catholica seu Pontifi-
cia proficitur, veros esse, quos rejicit, falsos & erroneos &c. Bellarmi-
nus hinc magnopere (30) contendit, Ecclesiam visibilem (Romanam put-
tat) non posse deficere. Aliud vero D. Gerhardus in Confessione Ca-
tholica & D. Hunnius de Apostasia Sed. Rom. demonstrarunt.

Dogm. Culi-
naria.

§. 17. Nos hactenus *dogmata curialia*, sed paucis consideravimus *po-*
tissima. Nunc *culinaria* delibemus, necesse est. Utraque tamen Statifica
sunt. Nam sicuti illa hunc finem habent, ut Pontificis autoritas maxi-
ma orbi Christiano persuadeatur: ita hæc respiciunt *opes præcipue*,
quibus clerus maxime inhiare studet.

Distinguin-
tur.

§. 18. Videbimus igitur illa primum in *theoria*, deinde praxin
utilitati accommodatam & dogmata, quibus illa nritur. Quæ ad ista
pertinent, in Scholis usitatis vocibus, iterum distingui possunt: Ni-
mirum quædam ad *principia* religionis & doctrinæ; quædam ad *prin-*
cipiata referuntur.

Principium il-
lorum quod &
quæ his con-
nexa.
Traditiones.

§. 19. *Principium* religionis Papæ non est sola Scriptura Sacra;
sed adjunguntur * *Traditiones tum ad fidem, tum ad mores pertinentes*,
quas pari pietatis affectu ac reverentia suscipi & honorari debere,
decrevit Concilium Trident. a Papæis habitum. Hic *Status ratio* sub-
est. Viderant nempe multa religionem complecti placita, quæ ex fa-
cili literis probari nequeunt, quæ tamen sibi valde proficua esse no-
runt. Addendæ igitur fuerunt traditiones, quæ supplerent in Sacro
Codice non extantia. Inde Petrus a Soto in Confessione Catholica
(31) non erubuit asserere: Traditiones Romanæ Ecclesiæ esse efficacio-
res

(29) Subinitium l. 1. Manual. controversi. (30) Lib. III. de Eccles. c. 13. (*) Con-
cil. Trid. Sess. IV. decr. de Canon. Script. (31) c. de Eccles. p. 138.

& potiores Sacra Scriptura. A quo parum abit Lindanus (32) scribens; *fidem scripturæ futilem & frivolum esse, nisi eam traditio in fundamento stabiliverit.* Posset hic non immerito quæri, cur Traditionum auctoritatem, ex Sacris literis probare nitatur Bellarminus, (33) Si his tamen sine traditione non habenda fides? Nisi forte traditionibus, de se ipsis testimonium dicentibus credendum sit, quia Papa dixit.

§. 20. Ut tamen traditionibus major constaret autoritas, Scriptura Sacra imperfectionis, obscuritatis fuit accusata. (34) Quod si verum esset, sola normæ vicem præstare non posset; quippe destituta iis, quæ ad naturam normæ requiruntur, perfectio sc. & perspicuitas.

§. 21. Sed illa fraus, qua orbi Christiano illuditur, lecta S. Scriptura de facili animadverti a laicis, quos vocant, non omnino stupidis poterat. Igitur novum, suæque religioni accommodum excogitarunt arcanum. Nempe Laicos ad Scripturæ S. lectionem non esse promiscue admittendos. (35) Plane ut olim Mystæ Eleusini sacra sua volebant esse opertanea; ne qua talium vilesceret religio. Legi de iis meretur *Clapmarius de Arcan. Rerump. c. 1. 2. 3.* Hosius lib. de expresso verbo DEI tradit: Laicis lectionem Scripturæ permittere, esse sanctum canibus dare & margaritas porcis projicere. Sub laicorum vero nomine etiam omnes principes seculares comprehendunt.

§. 22. *Patrum*, quos appellant, auctoritatem alias magni æstimare se videri volunt: Quoniam vero & illos religioni suæ contraria sapientissime docere animadverterunt; hinc *indices expurgatorios* adornarunt, quæ ea expungunt atque delent omnia, quæ novis ipsorum placitis derogare poterant. Tridentina Synodus hoc negotium ceu pium ac proficuum in consultationis suæ caput, corpus & caudam elegit. (36) Exempla ejusmodi falsationis exhibet noster Hülsemannus. (37)

§. 23. PRINCIPIATA sunt cætera doctrinæ capita, quæ ex rancidis traditionum lacunis derivata, ad quæstum a clericis applicantur. Ego solum præcipua hic tangam. Qualia sunt *de Missa, Indulgentiis, merito operum & Purgatorio. Cætera ex his nata videntur.*

§. 24. *Missam*, dicunt esse sacrificium, quod non solum pro fide-

B 2

lium

(32) L. I. Panopl. c. 4. (33) Bellarm. L. III. de V. D. c. 1. & l. IV. c. 4. ubi Scr. S. imperfectam esse contendit. (35) Bellarm. l. 2. de Verbo Dei c. 15. §. 1. 2. (36) V. Sess. IV. Decret. de edit. & usu Sacr. libr. Sess. XVIII. decret. de indic. Libr. &c. (37) Disp. XIX. Manual. Aug. Confess. §. 81.

Scripturæ S.
neglectus.

Patrum cæ-
stratio.

Principiata
culinaria dog-
mata præci-
pua.

Missæ.

lium vivorum peccatis, pœnis, satisfactionibus ex aliis necessitatibus, sed & pro defunctis in Christo nondum ad plenum purgatis, rite juxta Apostolorum traditionem offeratur. (38) Hujus celebratione multum lucrantur Sacerdotes. Quis enim nolle sacrificulo pro satisfactione sua apud Deum ita occupato, gratitudinem declarare muneribus? Et quo major reverentia tanto mysterio habeatur, ingens ceremoniarum cumulus est inventus nec vulgari lingua celebratur. (39) Videtur quidem conciliabulum Tridentinum voluisse avaritiam & Simoniam, quæ a sacrificulis exercetur, prohibere *Sess. citat. decreto de observandis & evitandis in celebratione missæ*. At praxis & Missæ privatæ, pecuniarum aucupium non obscure produunt. Cur enim non gratis, pro peregrinantibus, pro militantibus, pro navigantibus celebrant missas? Ni fallor ipse Lombardus (40) huc respexit, asserens, meliorem esse divitis, quam pauperum conditionem in purgatorio: quia dives possit juvari publicis suffragiis missarum, & celeriore absolutioem consequi. Hinc non immerito suo tempore hanc Simoniam perstrinxit vir, Sixti *Senensis* judicio (41) eruditissimus & excellens, Georgius Wicelius.

Indulgentiæ.

§. 25. *Indulgentias* autem Concilium Tridentin. (42) Leo X. (43) & Bellarminus (44) commendant. Commodi rationem iterum subesse facile intelligit, qui historiam superioris seculi non omnino novit cum ignarissimis. Diserte eam *Franciscus Guicciardinus* (45) memorat, Leonem Papam nimis licenter indulgentiarum quæstoribus indulgisse privilegia, extorquendæ pecuniæ causa. Quæ res magnam plebisque in locis, indignationem offensionemque concitavit, & præsertim in Germania; ubi a multis ex ejus ministris, hujusmodi vivos & mortuos pœnis liberandi facultas parvo pretio vendi, vel in cauponum tabernis alexæ subjici cernebatur. Confer Sleidan. de Stat. Reip. l. 1. & Jacobi Thuani lib. (46) Inde Principum & Statuum S. Rom. Germanici Imperii querelæ, quas in comitiis Anno 1522. Norimbergæ institutis, de Pontificis insolentia & indulgentiarum mercatura, proposuerunt prolixè, Gravamine 3. 4. 5. seqq. Et quanquam hoc crimen

(38) Concil. Trident. Sess. XXII. c. 2. (39) Concil. Trident. Sess. XXII. c. V. & VIII. (40) l. IV. distin. 45. qv. 3. (41) lib. 4. Bibl. (42) Sess. XXV. (43) In Decretal. Anno 1518. edit. (44) l. 1. de indulgent. c. 2. seqq. (45) l. 14. Histor. (46) l. 1. Histor. ad Annum 1515.

men, Concilium Tridentinum (47) agnoscat; non tamen propter utilitatem tollere voluit. Mirari hic posset Christianus, cur per indulgentias doceant plenissimam concedi omnium peccatorum remissionem; cum tamen alias dubitare jubeant homines de remissione peccatorum? item cur admittant imputationem meritorum, & satisfactionem sanctorum in indulgentiis, & rideant imputationem meriti Christi, quam S. literæ adstruunt? (48)

§. 26. *Operibus bonis*, qualia maximam partem fingunt, vis meritoria adscribitur, quod vere vitam æternam promereantur. Ita Concilium Trident. & (49) Bellarminus. (58) Quod dogma non solum ad ambitiosam pietatem homines accendit, sed, dum illa plerumque dicuntur esse bona opera, quæ a Sacerdotibus definiuntur ad utilitatem suam; ut sunt procesiones, peregrinationes ad loca sanctorum, coronationes imaginum, dotationes monasteriorum & similia, quæ res sacerdotum insigniter locupletare solent. Operam inde navant, ut ditiorum filios in sua pertrahant claustra, qui sine pingui legatione in monasterii augmentum facta, ingredi ordinem nefas esse putant. Mirus inde penes Monachos & Lojolitas paupertatis status. Copia necessariorum, & instrumentorum vitæ commodorum, non indigent; & tamen pauperes sunt. Xenophonti pauperes sunt, *μὴ ἰκὰνὰ ἔχοντες*, quibus non suppetit sumtus, quem facere necesse est. *An parum habet* (quærit Seneca Ep. 20.) qui tantum non *alget*, non *esurit*, non *sitit*? *plus Jupiter non habet*. Certè Jesuitæ & Benedictini non dissimiles videntur esse usurariis quibus ut bene sit, bona sua in commune conferunt. De Jesuitarum opibus Anatomia Societatis agit p. 148. & seqq. ita paupertatis professores audiunt, at hæreditatum successores sunt. Hoc inter arcana est Societatis, (quæ vide in secreta ejus instructione §. 6. de conciliandis viduis opulentis societatis) deligantur ad hoc opus, provectæ ætatis Patres colore vivido §. 7. (51)

§. 27. *Purgatorium*, quod post *Gregorium M.* (hominem simplicem magis, quam doctum) in occidentales Ecclesias irrepsit, alias superstitiones simul peperit. Sed acriter illud defensum eunt Concilium Trident. (52) Bellarm. (53) & qui his adhærent omnes sacrificuli. Vi-

B 3

dent

(47) Sess. XXV. (48) vid. Sess. VI. Concil. Trid. (49) Sess. VI. can. 32. (50) lib. V. de justif. c. 1. §. ultim. (51) Vid. Joh. Hoornbeckii Examen Bullæ Urbani VIII. de Jesuitis. p. 28. (52) Sess. XXV. in princip. (53) l. 1. & 2.

dent enim hunc ignem, fictasque flammās focum suum admodum luculentum effecisse. Et ex historia certum est, culinas Clericorum nunquam futuras fuisse adeo pingues; nisi ignis purgatorius esset accensus. Quot enim prædia, quod auri argentique summæ clericis legata a miseris hominibus, huc superstitione imbutis. Nam qui timet huius ignis flammās; malit vel omnibus suis facultatibus eas redimere, quam experiri tales. Non obscura hanc in rem sunt Stumpfii verba, quæ (54) legi possunt.

Alia culinana
dogmatica &
statistica.

§. 28. Possem hic subungere alia doctrinæ capita, quæ similiter aut dignitatem sacerdotum, aut opes respiciunt: ut sunt *numerus* (55) *septenarius Sacramentorum effectus*, quo frequentius Sacerdotum opera indigerent homines: enumeratio omnium peccatorum in confess. requiritur in Concilio Trident. (56) ut, si dives reus adsit, instituta taxatione, lucrum redundet ad sacerdotem, simulque colatur is, qui arcana pectoris scrutari & nosse habet potestatem, ceu iudex a Deo constitutus: it. *apparitiones Sanctorum*, qui non nisi utilia Clero præfagiunt. Miracula Sanctorum & apparitiones demortuorum &c. Exemplum ejusmodi fraudis refert Sleidanus. (57) Accedunt fabulæ de *Sanctis & eorum edibus*, qualis de æde Lauretana Divæ Mariæ celebris est. Sed hypobolismam esse, erudite ostendit Matthias Berneggerus, in *tractatu de Idolo Lauretano*. Accedunt reliquiæ sanctorum hinc inde conquistæ & magno pretio æstimatæ. Et quæ sunt huius generis sexcenta alia, ordini Clericorum valde lucrosa, quæ compendii gratia omittimus, progressuri ad *praxin*, & dogmata, quæ religionis, seu potius curiæ Romanæ *praxin* respiciunt.

Media & dog-
mata statistica
quæ *praxin*
magis respici-
unt.

1. Cleric. con-
jugium prohi-
bitum.

§. 29. Pertinent huc INTERDICTUM CLERICIS *conjugium*, quod, qua occasione factum sit, docet (58) D. G. Calixtus. Viderant enim, si talia permitterentur Sacerdotibus, non solum (*) curas illorum propter res œcumenicas iri distractum; Sed præterea fore, ut amplissima Ecclesiæ bona dividerentur aut abalienarentur rursus per liberos; vel, ne magistratui politico propter familiam, conjuges & liberi, præsertim post obitum fierent obnoxii. Ideo omnia ad firmitatem Status fuerunt ordinata.

§. 30.

(54) L. V. Chronic. c. 2. (55) Bellarm. l. 2. de Sacrament. (56) Sess. XIV. c. 5.

(57) Commentar. l. IX. f. m. 99. (58) Calixtus Tract. de Conjug. Cleric.

(*) Confer perelegantem super hoc argumento discursum Dn. Severini de Monzambano de statu Imperii c. VIII. §. 8.

§. 30. JUBILEUM, centum annis elapsis, propter pecuniarum, quæ 2. Jubileum ex indulgentiarum foro redibat ad Pontificem, instituerat [59] Bonifacius VIII. Sed Clemens VI. Papa c. 2. *Unigenitus l. V. Extravag. de penitent. & Remissioni in quinquagesimum* mutavit. Hujus autem institutum correxit Urbanus VI. transferens jubileum de anno quinquagesimo, ad *trigesimum tertium*; ideo, quod tot anni Christi in his terris versantis & jubileum prædicantis, fuissent, statuitque ut annus 1390. Jubileus esset; & deinceps per 33. servaretur, quorum ne primum quidem ipse vidit, anno 1389. extinctus. Bonifacius vero IX. indicti ab Urbano Jubilei fructum percepit, Onuphrio teste. Paulus II. propter vitæ humanæ brevitatem & Cleri utilitatem traduxit in XXV. annum. Cujus sanctionem Successor Pauli, nempe Sixtus IV. per peculiarem Bullam confirmavit anno 1473. (60) Privilegia & solennitates anni Jubilei ex Bullis citatis, itemque Polyd. Vergil. de invent. Rerum c. VIII. cognosci possunt.

§. 31. Propter commodum privatum etiam ANNATÆ (quas vocant) autore vel Johanne XXII. vel Bonifacio IX. fuerunt inventæ. Erant autem illæ primi anni redditus, quos defuncti Episcopi vel Abbatibus successor Romano Pontifici dependere jubebatur. Vocant etiam vacantiarum redditus. Titulus fuit speciosus atque popularis; nimirum in bellum contra Saracenos atque Turcas parari thesaurum. Valuit ea lex ad concilium usque Basileense. Tunc enim, cum ex diversis locis multæ deferrentur querimonie, decretum fuit, ne posthac aliquid exigeretur. Verum Eugenius IV. irritum statuit illud Concilium, & qui secuti sunt eum Pontifices, quum nihil sibi detrahi vellent, Episcopis ac reliquæ turbæ non alio pacto sacerdotia confirmant, quam si tributum illud persolverent. Sic adeo res in hoc usque tempus continuatur, quanquam non sine crebris & magnis offensionibus. Vide Sici-

(59) De hoc verius usurpes Gabr. Barthol. Gramondi verba paululum immutata; quam illæ de gloriosissimæ recordationis Principe Joh. Georg. I. Electore Sax. Jubileum in memoriam reformat. Lutheranae instituenti l. II. Historiæ Gall. p. 177. *Sic imitatur Deum Simia putidum ac infame animal: Sic mentitur humanam Psittacus vocem; cuius non capit ipsos articulos, nedum abstrusa sensus*: Sic Hyæna deborat, quem imitata voce allexit hominem. Encomium hujus Pontificis vid: apud Platinam de V. P. p. 131. (60) quæ extat in Extravag. L. V. de Pœnitent. & remiss. cap. IV. scil. Quemadmodum;

Sleidanum. (61) Magna inde Romam vis opum confluit. Quare & Germani & Galli (62) non semel de hoc onere conquesti, tandem illas minuerunt, quod publica scripta illorum passim loquuntur.

4. Pallium
Archiepisco-
pale.

§. 32. Medium locupletandi Pontificis ærarium, est *Pallium*, quod Archiepiscopis & Episcopis ad confirmationem dignitatis, non nisi ingenti summa data, a Papa conceditur. Sleidanus (63) hunc in modum describit: *Archiepiscopis aut Metropolitanis, uti vocant, in signe quoddam honoris atque dignitatis confert Pontifex, e lino confectum atque lana: id vocant pallium: redimitur autem magna vi pecuniæ, & quidem intra spacium trimestre, sicut ipsorum leges habent, neque licet Archiepiscopis inaugurare aliquem Episcopatum, nisi prius accepto pallio, cujus est præcipuus usus in peragendis sacrificiis atque misis. Non traditur autem, nisi fidem & obedientiam quis promittat per jusjurandum. Quo modo conficiatur hoc insigne, itemque exornetur, commemorat Pancirollus, (64) & Casalius (65) itemque Höpingk (66)*

Inde publicæ
querelæ.

§. 33. Inde Principes Germaniæ jam ante seculum de hujus pallii ad quæstum inventa nundinatione conquesti sunt anno 1522. (*) Sub Maximiliano I. querela fuit publica, daß bey eines Menschen Leben/ aus dem einigen Erzbisthum Mäynß / für das pallium oder confirmatur eines Erzbischoffes / siebenmahl 25000. Gulden / zusammen 175000. Gulden nach Rom kommen und gellefert worden/mit grossen Beschwehr der Unterthanen/ welchen deswegen Tribut und Schatzung ufferleget worden. Legi meretur (67) Goldastus, (68) Limn. (69) & celeberrimus Dn. Strauchius. Inter alias causas hoc pecuniæ aucupium ansam suppeditavit Reformationi a Megalandro Luthero susceptæ. Ita enim laudatus Sleidanus (70) sentit: *Indulgentiarum nundinatorem, Tecelium fuisse emissum ab Alberto Archiepiscopo Moguntino, ut pecuniam corraderet ad pallii emptionem. Nam Moguntia [inquit]*

(61) L. IV. Comment. de Statu Relig. & Reip. fol. m. 37. (62) *Clemanges* in Libr. de Annatis non solvendis, numerat ex Ecclesiis Gallicanis hinc emungi de sexcenta nonaginta septem millia septingenta, quinquaginta Francorum. Vid. Joh. Hoorneckii Exam. Bull. Innocentii X. p. 53. (63) l. IV. comment. l. c. (64) l. i. var. lect. c. XX. (65) de Vet. Sacr. Christ. Rit. c. XXXV. f. 158. (66) de jure Insign. Membr. V. sect. III. (*) Gravam. German. Nation. c. 38. (67) In volum. der Reichs-Satzung f. 215. (68) de jure Publ. lib. 3. c. 3. n. 50. (69) Exercit. Exoteric. p. 130. seqq. (70) l. XIII.

quit] creatus nuper erat. Archiepiscopus, Albertus eâ lege, ut suo sumptu Roma pallium redimeret. Tres enim ejus urbis Episcopi non ita longo decesserant temporis intervallo, Bertoldus Jacobus, Urielus, & grave tum erat collegio, tantos facere sumtus, & toties. Pallium enim illud constare dicitur triginta ferè millibus aureorum, antequam donum perfertur. Tanti scilicet novit Pontifex vendere suum linum: pecuniam autem hanc mercatores Augustani dependerant: ut igitur solveret eis Albertus, rationem hanc questus excogitavit, eamque Pontifex ei permisit, sic tamen, ut dimidium perferretur Romam, ad exstructionem Basilicæ Divi Petri.

S. 34. Ad media conquirendi pecuniam, meritò referuntur R. E. Reservatio-
 SERVATIONES, (casuum scilicet.) Exemplum occurrit in Epistolis Leonis X. (71) ubi fratribus Bentivolis, Papa remittit quidem offensam; verùm addit, ita quidem, si mihi prædederitis sesterium duum millium. Quare inter Germanicæ nationis Gravamina, quæ legatis Adriani VI. in comitiis Norimbergensibus exposuerunt Imperii Principes, quintum adversus casus reservatos fuit: quorum sine pecuniâ nulla poterat haberi absolutio. Quid de taxâ Sacræ Pœnitentiariæ Cameræ Apostolicæ (ut loquuntur) dicam? ubi infanda peccata & flagitia, singula suis pretiis æstimantur. Refert eorum nonnulla laudatus D. Hornbeckius, (72) confer Claudii Espenæi in Epist. ad Tit. c. i. memorabilem valde lectu exposit. fol. 476. seqq.

S. 35. Propter Rationem Status, varios ordines otiosorum hominum, quos Monachos dicunt, (73) Papa confirmavit; ut eò plures forent, qui Ecclesiæ rebus invigilarent & attrahendis laicorum bonis hamos jacerent. Hos per obedientiæ votum, præfectis, & sibi archis. Inprimis Lo-
 simè obstrinxit. Sed posteaquam operâ Lutheri universo Christiano-jolitarum,
 rum orbi illorum inertia ac lascivia fuit detecta, nova illa Lojolita-
 rum, qui se Jesu Socios, (in S. literis Judas, Salvatoris proditor, ita
 audit) appellant, Societas insigni curiæ Romanæ bono instituta fuit. Praxis stati-
 Callidum genus hominum, non ad Reipublicæ commodum natum, illate-
 stica,

(71) Apud P. Bembum lib. II. Epist. 28. (72) in Exam. Bull. Innocentii X. p. 52.

(73) Quamquam nunc Ratio Status videtur postulare, ut quidam ordines religiosi supprimantur. Quod constat ex Bulla Clementis IX. ianno 1668. d. 6.

Decembr. Romæ publicatâ, quam Autor quidam anonymus egregio discursu illustravit nuper, qui Defensorius est.

brat se aulis, ut per confessionem & humana politaque conversatione Principum exploret arcana. Pernoverat illud Sorbonna & Senatus Parisiensis: Quare cum Henricus IV. regno propter nequitiam extorrem Societatem revocaret in literarum augmentum, late per Galliam diffusis seminariis; Urbs Galliae caput, Lutetia edicto obstabat cum dictis collegiis; donec Henricus IV. privatam illis Lutetiae domum concederet, qualem antea sub nomine collegii Claromontani possederant. Narrat istam litem Gramondus (74) Sed in eo fidem non invenit, quod pro coeco adfectu suo in Lojolitas, effuse illorum merita laudat loc. cit. p. 198. Aliter Thuanus, illustris historicus & curiae supremæ Parisiensis Praeses, in elegantissima sua, quam in illos scripsit, elegia, de meritis in regnum Galliae canit. Certè Henrici III. & IV. Regum Galliae percussores, in Scholis Lojolitarum profecisse, non incertus rumor tulit. Vid. Dn. Höpferum (75) Neemirum, quod; qui nefas docent, scelerate vivant. Utrumque ex Montaltii Epistolis & Jarrigii libello, cui titulus *Jesuita in ferali pegmare*, disci potest. Quorum ille sententiam eorum denudavit, hic conscientiam. Confer praefat. in cit. libellum sane doctissimam. Hodie id operam dant, ut Monarchiam per partes Ecclesiae & regnis juxta extiosam instruant: quarum una, quod ceteros ordines in summum adducant contemptum; altera, quod se rebus negotiisque politicis magno cum artificio & solertia ubique immisceant. Hoc autem tanta agunt industria, ut Romae habeant *Patrem suum Generalem*, cui adjuncti *Assistentes*, quos appellant, ex singulis nationibus ad minimum unus; Assistent Galliae; alter Hispaniae; sic & Italiae, Angliae, Austriae &c. qui opera correspondentium omnia Rerumpubl. & mundi negotia pernoscunt.

Nova Clasfis,
dogmatum
Statisticorum
practicorum.
Primum.

§. 36. Subungere possemus hic DOGMATA PRACTICA, quae curiae Romanae *Statuti* iidem fuerunt accommodata, eaque propter defenduntur. Sed cursim illa attingenda. *Primum* est, HAERETICIS NON ESSE SERVANDAM FIDEM. Quod in Concilio Constantensi anno 1414. factum, dictis & exemplis deinde saepius confirmatum fuit. Inter quae ob sceleris magnitudinem clarum est Laniena Parisiensis

(74) L. II. Histor. Gall. p. 197. (75) In Sax. Evang. Part. 3. Sect. 3. c. VI. p. 641. seqq. (76) Hornb. Exam. Bull. tit. p. 48. seqq.

rificiensis, quæ & hoc axioma fuit excusata: *nullam esse fidem, quæ hæreticis datur*, teste Gramondo. (77) Reliqua hujus hæreseos exempla habet, & more suo erudite discussit (78) Dn. L. Valent. Alberti, hodie nostræ Academiæ Rector Magnificus. Becanus quidem hanc infamiam deprecari nititur. Sed obloquitur praxis & testimonia, quæ laudatus Hoornbeeck congescit. Admissa vero hac hypothese, quavis oblata occasione, fidem hæreticis, (quos appellant) datam, iterum rumpere licebit, ac adeo nunquam tuta pax erit: sicut exempla in historia passim obvia demonstrant.

§. 37. *Alterum est, VI AGENDUM ESSE CONTRA HÆRETICOS.* Secundum. Hanc experti sunt innumeri fere Martyres in Italia, Hispania, Anglia, Gallia, Belgio, Germania, aliisque provinciis & regnis. Bellarminus (79) hanc tyrannidem, seu beneficium deprædicat: *nam quo diutius vivunt, ait, eo plures errores excogitant, plures pervertunt, & majorem sibi damnationem acquirunt.* Vergæ, Præsidis in supremo Albani ducis judicio, barbarum juxta ac tyrannicum decretum, non sine nominis sui infamia, literis mandatum fuit: *Hæretici fraxerunt tæmpla, Catholici nihil faxerunt contra: Ergo debent omnes paribulare.* Aliter sane fidem Christi propagabant Apostoli. Conf. M. Ant. de Domin. (80) Egimus de hoc argumento paulo fufius in *Dissert. de Religionis propagatione violenta.* Impie Gabriel Naudæus inde Nuptias Parisinas, tanquam egregium Status arcanum laudat, quo Hugonoti universi (si continuata fuisset sævities,) in Gallia potuissent tolli. v. Consider. Politiques Sur les corps d' Estat p. 167. seq.

§. 38. *Tertium est, POSSE PONTIFICEM, REGES AC PRINCIPES, QUOS IMMORIGEROS SIVE HÆRETICOS CENSET, DE ECCLESIA PER CENSURAM EXCOMMUNICATIONIS EJICERE, ET POPULOS A JURAMENTO FIDELITATIS ABSOLVERE, DENIQUE ETIAM REGNO EXUERE, ET REGIA POTESTATE PRIVARE,* ita docet Bellarminus (81) Svarez. (82) adver-

C 2

fus

(77) Lib. IV. Hist. Gall. p. 308. adde Histor. de nuptiis Parisinis, quas nuper edidit noster Dn. Christ. Frid. Franckensteinus. (78) in Exercitat. Polit. poster. de Fid. hæret. serv. 79. L. III. de Laïc. c. 21. (80) l. VI. de Rep. Eccles. c. X. n. 67. (81) Lib. contra Barcl. c. 3. capite quarto addit, nihil referre, an excommunicatio talis justa an injusta fuerit. Vid. Hoornb. p. 260. (82) lib. VI. c. 4.

sus Sectam Anglicam, non veretur pronunciare, post laram sententiam (Regem) omnino privari regno; ita, ut non possit justo titulo illud possidere. Ergo ex tunc (ait) poterit tanquam tyrannus tractari & consequenter a quocunque privato interfici. Quibus elogiis Elisabetha Angliæ Regina ornata sit propter rejectionem religionis Papæ, legere est apud Casaubon. (83) de causa Eudæmon hac Lojolitam Hamondum excusare non dubitavit, quod Catesbejum propositum interficendi Regem & proceres Angliæ, pro confessione declarantem absolverit, tanquam nihil illiciti proposuisset. Vide (84) B. D. Hülsemann.

Bulla Pauli
IV. in princi-
pes injuriosa.

§. 39. Profecto, miranda est Principum Christianorum patientia, qua civium suorum cædes prætulere vindictæ, quam propter gravissimas injurias sibi illatas, meruerat proximo hoc seculo Paulus IV. qui post sancitam in Romano impetio & juratam pacem religiosam, edidit Bullam X. Cal. Mart. A. C. 1558, quam postea Pius V. & successores aliis Bullis confirmarunt; easque Corpori Juris Canonici inseruerunt VII. Decretal. l. V. Tit. 3. de Hæreticis & Scismaticis. Sane isthac Bulla, servili potestati subjicit Principes. Nam non solum Episcopi, Archiepiscopi, Primates, Patriarchæ, Cardinales, sed etiam seculares Principes, Comites, Barones, Marchiones, Duces, Reges, Imperator ipse, si aut in hæresin (qualem nominatenus excommunicare solet Papa in Bulla Cœnæ) incidisse, aut Schisma incurrisse deprehendantur, privantur Comitatus, Baronis, Marchionatibus, Ducatibus, Regnis & Imperio penitus & in totum; perpetuo ad illa de cetero inhabiles, ita ut nunquam in Comitatus, Baronias, Marchionatus, Ducatus, Regna & Imperium restitui, reponi, redintegrari aut rehabilitari possint; sed secularis potestatis arbitrio animadversione debiti puniendi tradantur, nisi apparentibus in eis vera penitentia fructibus: Quibus perspectis ex sedis Apostolica benignitate & clementia, in aliquo monasterio, ad peragendam perpetuam in pane doloris & aqua mæstia penitentiam suam sunt retrudendi, evitandi omnique humanitatis solatio distituendi. Præterea, ut sint intestabiles, nec ad hereditatis successorem accedant. Nullus præterea cogatur eis super aliquo negotio respondere. Quod si forsan iudices extiterint, eorum sententia

(83) Epist. ad Fr. Duc. pag. 62. (84) Man. Aug. Conf. Disp. XIV. s. 29.

*tentia nullam obtineat firmitatem. Quibuscunque Regnis, Ducatibus, Dominiis feudis & bonis temporalibus hactenus possessis privati existant, eo ipso Regnum Ducatus, Dominia feuda & bona hujusmodi publicentur & publicata sunt, efficianturque juris & proprietatis eorum, qui illa primo occupaverint; Si in sinceritate fidei & unitate Sanctæ Romanæ Ecclesiæ, ac sub nostra & Successorum nostrorum Romanorum Pontificum obedientia fuerint &c. Cum hæc Bullæ verba recitasset (85) B. Hulsemannus, Theologus cordatissimus, subjicit: *Hic vigilandum erat, hic urgenda cassatio & abolitio attentati iniquissimi; non litandum Germano sanguine diris.**

§. 40. Quid Innocentius X. Papa, sua Bulla, anno 1651. d. 3. Jan. publicata intenderit, orbi Christiano notum est. Pacem Germaniæ, post infestum ac diuturnum bellum, ac tantum non excidium patriæ, magno molimine a Principibus summis partam sancteque confirmatam, abrogare nitebatur. Nescio quid magis intolerandum Imperatori, Regibus & Principibus dici & jactari possit. Quo loco erunt Principum res, si ex nutu Papæ interpretandæ aut suspendendæ, si ser-vo servorum Principes pacis bellicque concedant arbitrium, pactum (ut Comicus loquitur) non pactum erit; non pactum pactum erit, cum illi lubet. Justo examine dictam Bullam discussit Joh. Hoorn-beek, Professor Ultrajectinus, tractatu peculiari Anno 1653. Ultrajecti edito, quo ostendit totius Bullæ tria quasi elementa esse, *ambitionem, avaritiam & perfidiam.*

§. 41. *Quartum* placitum est, CLERICOS A POTESTATE SE-Quartum.
CULARI ESSE OMNINO EXEMTOS. (86) Inde illud egregium axi-
oma Politices Papæ est: Clericos in rebellionem contra Principes secu-
lares, non posse committere erimen læsæ Majestatis. Emanuel Sa
hoc docuit in Aphor. pro Confession. Sed in posteriori edit. omis-
sum fuit. Confer Epist. Casauboni adversus Front. Ducæum. Cætera
hujus furfuris placita statistica Ecclesiæ Romanæ, ex P. Svavis Histor.
Concil. Trident. & M. Anton. de Dominis libr. de Republ. Eccles. Conclus.
plura colligi possent, quæ hic brevitatæ studio prætermitto. Satis interim
ex dictis arbitror constare posse RATIONEM STATUS RELIGIONIS
ET CLERI PAPÆ, quam, licet DEL veri cultum præ se ferat, respicit.

C 3

§. 42.

(85) Brev. c. XXII. §. 15. (86) Conc. Trid. Sess. XXV. Decret. Reform. c. 20. it. l.
lib. 6. Decr. Gregorii XII. Decret. tit. 33. de Majorit. & obed. c. 6. sollicit. &c.

Episcoporum
cura.

Apostrophe.

§. 42. Cum itaque clerus Roma
pua sic disposuerit dogmata, ut *potentia respiciatur*; quid mirum,
ferri Evangelico - Catholicæ, quæ
cultores neque divitiis neque honore
enim & divitiæ deliciis conjunctæ
efficacissima sunt instrumenta: His
tores & defensores, quales Papæ
tos. Una Episcopi dignitas, multos
strahit. Præcipue cum Episcoporum
illa, quam Apostoli suis commendaverunt
ante Constantini M. tempora obser-
ti in Gallia Tholosani Præses, eo
officio incumbit cura pascendi gregem
libet aliud, & qui Episcopus est, sacrum
licum quandoque mensarium. Sic
tione, luxu aulico, avaritia, ut sua
scendarum ovium cura Episcopo,
re dissertationem paro, librum an-
scriptum, & anno superiori 1671.
ejus (qui Ludovicus Molinæus est)
strisimorum virorum testimoniis
evolvere meretur.

§. 43. Ita mi Christe, Pontifice
tuum ad quæstum usurpatur, eoq
fenditur nefas: Tua gloria minu-
dicabis Babylonem? Sed indulgen-
tentiam. Nos autem ad gratitudi-
fallendi artes Curia Romanæ re-
gnatus es. Da, caveamus illas, &
tholicam, contra tot hostium in-
sit laus & perennis GLORIA!



clerus Romanensis, ad *Status Rationem* præci-
 ata, ut *aut utilitas cleri aut curiæ Romanæ*
 mirum, illam a multis, immo plurimis, præ-
 licæ, quæ Christum & Apostolos imitata, suos
 eque honoribus adeo cumulare novit. Honor
 conjunctæ, ad animos hominum flectendos,
 nenta: His ostentatis facile est comparare cul-
 les Papæorum cœtus habet & jactat permul-
 tas, multos a paupere (vera licet) religione ab-
 Episcoporum cura hodie plane diversa sit ab
 commendarunt, quamque veteres Episcopi
 pora observarunt. Gramondus (87) Parlamen-
 Præses, eorum vitam ita depingit: *Ille, cui ex*
tendi gregis, vix sui memor, meditatur quod-
opus est, sepe gulonem agit, venatorem aut au-
ium. Sic illa vita traducitur conviviiis, vena-
tia, ut sua quemque voluptas trahit: rara pa-
Episcopo, cui pro ovili aula est. Dum hæc fini-
 librum anonymi scriptoris, *Jugulum causæ* in-
 iori 1671: Londini editum accipio, quo autor
 olinaus esse putatur) idem argumentum illu-
 stimoniis & argumentis comprobatque, ideo
 te, Pontifex noster summe ac unice, nomen
 patur, eoque palliatur dominandi libido, & de-
 oria minuitur, ut cleri augeatur. Quando ju-
 d indulgentia tua invitat peccatores ad poeni-
 l gratitudinis studium incitare debet, quod has
 romanæ revelare per verbum tuum non dedi-
 us illas, & tuere Ecclesiam nostram vere Ca-
 nostium molitiones! Tibi & Nomini tuo soli
 ORIA!

144. seqv.

